

IFIỌK EMI OTODE N̄WED JOB
Job 5:17-27; 18:5-18; 14:1-22; 19:23-27; 28:1-28
QYQHỌ UKPEP-N̄KPỌ 373

Eke Ikpọ Owo

IKỌ IBUOT: “Sese, ndibak Qbọn edi eti ibuot, ndinyuñ n̄kabare n̄kpọn idiọk edi asian” (Job 28:28).

I Ukpeme Edinen Owo

- 1 Eyesio enye ke kpukpru nnanenyin efep, Job 5:17-22; Psalm 103:3, 4
- 2 Enye eyetie emem-emem ye kpukpru se Abasi obotde, Job 5:23, 24; Isaiah 55:12
- 3 Eyenam mme usen esie ebighi, Job 5:25-27; Psalm 91:16; Mme N̄ke 3:2

II Nsobo Idiọk Owo

- 1 Uñwana esie eyenime, Job 18:5, 6; Matthew 8:12
- 2 Item esiemọ eyenuk enye ọduọk, Job 18:7, 8; Mme N̄ke 3:5
- 3 N̄kpọ eyekaka iso ọdiọk ye enye akan, Job 18:9-18

III Eriset Ke Mkpa

- 1 Uwem enye emi ibighike, Job 14:1-6, 10-13; James 4:14; 1 Peter 1:24
- 2 Mme uwut-n̄kpọ eriset ke mkpa edu ke mme n̄kpọ eke Abasi obotde, Job 14:7-9; 1 N̄wed Corinth 15:36-38
- 3 Job onim ke akpanikọ ete imọ iyeset, Job 14:14, 15; 19:23-27
- 4 Ema efen mme idiọk-n̄kpọ emi Job akanamde, Job 14:16, 17; Psalm 32:1
- 5 Ekut nte owo ye se Abasi obotde ekpade enyuñ eyemerede, Job 14:18-22

IV Ebiet Emi Eti Ibuot Odude

- 1 Owo ikwe enye ke ebiet emi eyomde inyene; Job 28:1-12
- 2 Owo ikemeke ndida inyene esie ndep enye, Job 28:13-21
- 3 Abasi ofiọk ebiet eti ibuot odude, Job 28:22-27; Ecclesiastes 2:26
- 4 Abasi eteme owo ndibak Enye nnyuñ n̄kpọn idiọk, Job 28:28; Ecclesiastes 12:13, 14

SE EKPEPDE EBAÑA

Esobo Idiọk Owo; Ekpeme Edinen Owo

“Ediwak ukut esim eti owo; edi Jehovah osio enye ke mmọ kpukpru” (Psalm 34:19). Ema edomo Job ekpere ndida enye n̄kosim akpatre idaha ke ukut esie; esin mme ufan esie ekere ete ke enyene ndidi ke enye edue isop enyene-ndik idiọk-n̄kpọ. Eliphaz ama ekere ete edieke Job ekenende, ke ekpekesio enye ke ukut efep. Okposuk edi nte Eliphaz akanamde ndudue ke ekikere esie, ke abaña Job enye ama okot ndusuk ikọ emi edide akpanikọ ke abaña ukpeme emi Abasi ọnọde Ikọt Esie: “Enye eyefak fi ọbọ mkpa efep ke ini akañ: ọbọ ke ubọk ofut ke ini ekọn” (Job 5:20). “Afo eyeduk ediomu ye mme itiat osoñ, unam ikọt eyenyuñ etie ufan ye afo” (Job 5:23).

Kpa nte idiọk-n̄kpọ akabiatde emem ye inem-uwem eke in̄wañ Eden efep, kpasuk ntre ke idiọk-n̄kpọ esin owo odu ke ndutime ye se Abasi okobotde. Ke akpa itie, enye abiat ebuana emi owo ekenyenede ye Andibot enye. Uwem idiọk-n̄kpọ osio ata uwem nsọñidem ke enye efep. Ediñwọñ ikọn anam enye enyene udọñọ esit emi ekotde “cancer.” Ndiọi ndise, ekebe-ndise, ye unek ememenere udọñ-itọñ obukidem emi adade n̄wure esin ke mme Ufọk. Ediñwọñ mkpọsọñ mmin enam owo enana

eti ekikere enyuñ ebiat owo ofuri-ofuri. “N̄kpọ-ndik. . . Enam enye. . . Odudu esie etie biọñ-biọñ. . . . Edibere mbuqtidem esie ke tent esie efep. . . . oruñ esie esat ke idak: enyuñ ekporo enye n̄kọk ke enyoñ. . . . Enuke enye esio ke uñwana esin ke ekim: enyuñ ebin enye ke ererimbot efep” (Job 18:11-18).

Ke adañemi “edidem ndik” (Job 18:14) osuk ebinede enye idiok owo ke edem, Jehovah “idorokede nti owo enyin esiemọ ifep” (Job 36:7). “Anie edidianare nnyin ke ima Christ? Nte ukut edidianare, mme ndutuhọ, mme isin-enyin, mme akañ, mme ubuene ye unana, mme n̄kpọ-ndik, mme ofut?” “Edi, ke kpukpru n̄kpọ emi nnyin imakan, inyuñ idọdiọñ ikan, oto ke Enye emi akamade nnyin” (N̄wed Mbon Rome 8:35-37).

Abasi ọkọdọñ akañ etiene Israel oto ke ntak mme idiok-n̄kpọ mmọ, edi ọkọdọñ mme utere eda udia ebok anditiñ ntiñ-nnim ikọ Esie, Elijah. Ke ini edeme mme idiok owo ekeedukde odu man esobo Daniel, Abasi akanyaña enye osio ke obube mme ekpe. Abasi ama ekpeme Noah ke ini okosobode ofuri ererimbot, onyuñ ayak enye oduñ ke emem ke esit ubom ye mme nsio-nsio unam ikot. Ke akpanikọ, enam añaña ete ke “Enye eyefak fi ọbọ mkpa efep ke ini akañ: ọbọ ke ubok ofut ke ini ekọñ. Ke adañemi edeme amiade, enye eyedip fi: udunyuñ ufeheke nnama adañemi enye edide. . . . udunyuñ ufeheke unam ikot” (Job 5:20-22).

Eriset Ke Mkpa

Okposuk edi ekekoride enye ikọ ete enye edi owo mbubik, Job ama ọfiok ọyọhọ-ọyọhọ ete ke uwem emi edi ata ibio-ibio onyuñ ọfiok n̄ko ete ke ukpọñ ikpaha ke nsinsi. Job ama obup ete, “Nso edi idorenyin oburobut owo? Koro Abasi eyesibe: Koro Enye eyemen ukpọñ esie efep” (Job 27:8). “Owo eke nwan amande omuhọ usen. . . owo asiaha nte ikọñ, ndien esibe enye efep” (Job 14:1, 2). Job otim ese: “Koro idorenyin anade ọnọ eto: ema ekpi enye eduok, enye eyetọñ ntak esehe. . . Okposuk edi nte oruñ esie akabarede edi akani ke isọñ, etak esie onyuñ akpade ke ntan; utebe mmọñ eyesin enye afiari. . . . Edi owo akpa. . . . Ndien odu mmọñ?” (Job 14:7-10). Ke se enye okutde, akanam baba owo kiet itoho ke udi iwọrọ idi. Edi ke ini enye okobupde mbume emi ete, “Ke owo akpade, nte enye ediset?” ukpọñ esie ọkọbọrọ ke esit idem esie ete, ‘Nyebet ke ofuri ini utom mi, tutu erikpuhọre itie mi edi. Afo okpokot, ndien ami n̄kpeyere Fi” (Job 14:14, 15).

Adaña nte Job akade iso nditim n̄kere mbume emi, ntre ke esit esie ọdọdiọñ ọwuhọ, tutu enye ofiori ete. “Akpakam ewet ndien ikọ mi! akpakam efik mmọ esin ke n̄wed!. . . . Ndien ami mmọfiok nte ke andifak mi odu uwem; ndien ke akpatre Enye eyedaha ada ke ntan isọñ: Ndien ke ikpohidem mi ama abiara ama, nyedu ke obukidem mi n̄kut Abasi: Emi ndikutde ke idem mi, enyin mi eyenyuñ ekut Enye, idikwe owo efen; n̄kpọ emi odude mi ke ikpanesit eyemere” (Job 19:23-27). Idighe ukpọñ ndidu ke nsinsi ikpọñ ke Job okonim ke akpanikọ, edi enye ama onim eriset ikpohidem ke mkpa. Enye ama etiñ abaña ini ukara Christ ke isọñ emi edidide ke enye ndidọhọ ntem ete, Enye “ke akpatre Enye eyedaha ada ke ntan isọñ. . . . Enyin mi eyenyuñ okut Enye, idikwe owo efen.”

Ediduñọre Nyom Eti Ibuot

“Eti ibuot, ekut enye ke ebiet ewe? Ebiet uñwana asian onyuñ odu mmọñ?” (Job 28:12). Ke ndineñere nduñọre mbume emi, Job okut ete ke silver, gold, ukwak, okpoho, ye sapphire enyene itie mmọ. Mme owo ema eyom enyuñ esioño mmọ ke ndidok esit esit ikpọ obot, eneñere eduk eka esit ke ebiet emi “enyin utere akanam ikwe enye” lion inyuñ idighike. “Osioño se idibede onim ke uñwana,” ọdok enye osio ke ekim ke ata idak isọñ.

Owo ọduñọre onyuñ okut ata ediwak nsọñ-urua n̄kpọ-uto, ke nditibi n̄tọtuñọ esit ikpọ obot, edi ama edi ebiet emi eti ibuot odude, “udem ete, Iduhe mi ke idem.” Owo onim oduk ke esit inyañ man enyene nsọñ-urua itiat, edi “inyañ ibom onyuñ ọdọhọ, ete, iduhe ye ami.” Owo, ye ukeme esie ye unana-utit nduñọre esie nyom mme n̄kpọ-uto, ikwe ebiet eti ibuot odude.

Owo inyuñ ikemeke ndida ofuri nsọñ-urua n̄kpọ uto emi enye ọkọde onim ndep eti ibuot. “Inhọ gold ibọ enye, inyuñ idomoke silver ke ekom-urua esie” (Job 28:15). “Eti ibuot ndien oto mmọñ? Ndien enye ebiet asian?” (Job 28:20). Owo ikwe enye ke esit inyañ ibom, inyuñ ikwe enye ke obot,

ikwe enye ke idak isoñ mme ke ofim. “Nsobo ye mkpa edoḥo ete, Nnyin imokop esie ke utoñ nnyin.” Edi mmọ ikwe ebiet eke eti ibuot odude.

Ibọrọ emi enoḍe nduñḥore emi edi ke “Abasi omotim okut usuñ esie, omonyuñ oḥiok ebiet esie. Koro Enye esede mme utit ererimbot, onyuñ okutde ñkpọ ke idak ofuri ikpa-enyoñ” (Job 28:23, 24). Se enyin owo okutde enyene adaña, edi ikut ite ke Abasi okokut kpukpru ebiet ke uñwana obuma Esie. “Ndien enye okut, onyuñ etin enye; otim enye onim, onyuñ oduñḥore enye ñko” (Job 28:27). Abasi owoñḥore ndien ese owo onyuñ odoḥo enye ete: “Sese ndibak Oboñ edi eti ibuot, ndinyuñ ñkabare ñkpọñ idiok edi asian” (Job 28:28). Solomon, owo emi enyenede mbuḥiok akan, ke ama oḥoḍuñḥore kpukpru ñkpọ uwem emi ama, ada oḥosuñḥo ye ukem ikọ oro: “Yak nnyin ikop utit ofuri ñkpọ emi: bak Abasi, nyuñ nim mbet Esie: koro emi edi eke kpukpru owo. Koro Abasi eyekot kpukpru ñkpọ emi enamde edi ikpe, oḥoro ke kpukpru ndibe-ndibe ñkpọ, edide eti, onyuñ edide mme idiok” (Ecclesiastes 12:13, 14).

MME MBUME

- 1 Siak ndusuk mme ukut emi Abasi anyañade edinen owo osio ke esit, nyuñ nọ mme uwut-ñkpọ emi otode Ñwed Abasi.
- 2 Ndiduk ediomu ye mme itiat isoñ eworo nso?
- 3 Nso idi ndusuk mme ñkpọ emi esitibede eno oburobut owo? (Job 18).
- 4 Nọ mme uwut-ñkpọ ke Ikọ Abasi, mme ñkpọ emi edade edomo ye ibio-ibio uwem emi.
- 5 Nọ mme uwut-ñkpọ eriset ke mkpa ke mme ñkpọ obot.
- 6 Ikọ emi Job odoḥode ete, “Tutu erikpuḥore itie mi edi,” owoḥoro nso? (Job 14:14).
- 7 Soñḥo ete ke Job ama onim eriset ikpohidem ke mkpa ke akpanikọ.
- 8 Nso ke Job eketiñ nte ntiñ-nnim ikọ abañā eritoñḥo ntak ndi Christ?
- 9 Nso ñkpọ ke owo mikemeke ndikut ke ediduñḥore nyom mme ñkpọ-uto?
- 10 Nso ñkpọ edi eti ibuot?